

御選明詩卷第二十七目錄

五言古詩十二

王慎中十一首

李元陽一首

馮恩二首

羅洪先二首

唐順之一首

陳東二首

楊爵一首

吳子孝二首

沈愷二首

蔡霰二首

孔天胤一首

朱衡一首

蔡汝楠四首

林應亮一首

周復俊六首

許應元一首

尹耕一首

白悅一首

孫陞二首

何維柏一首

康太和二首

張瀚三首

康朗一首

許穀一首

王維楨二首

駱文盛二首

王立道一首

劉繪一首

薛應旂一首

陳鳳一首

陳元珂一首

茅瓚一首

王健一首

喬世寧一首

王問二十四首

何御三首

殷邁一首

陸師道一首

董份一首

龔秉德一首

鄭渭一首

朱瑞登一首

瞿景淳一首

趙鉞一首

胡安二首

魏文煥一首

劉鳳一首

方九敘一首

張居正二首

楊巍三首

林爌三首

宋儀望一首

朱大英一首

章美中一首

傅夏器一首

徐學謨二首

王好問一首

御選明詩卷第二十七

五言古詩十二

王慎中

遊西山

良辰戾首夏肅軫遊西山山形何崒嶭律洲渚互相繇奔
湍旣下赴危峰亦上干谿訝石洞窈迤邐飛梁懸朱葩
晞陽谷翠羽陰陰巒閼室象霞構疎薨憑風騫抗宇凌
層基列楹俯流泉好鳥揚幽音弱藻濯清漣豈惟耽遠
遊因茲達大觀拾乳歷窳竒擷芳陵噴岼淟淟出澗淙
靄靄冒隴煙水碧間清藻靈飈茁瑤管履險神彌豁入
幽情更延隱巖懷子真蹈海期仲連遺形九州外棲迹

萬象顛崇深惟素秉神理迷真詮游心迓冲漠斯道庶
不謬

山行

鴟夷泛左蠡康樂慕東甌屐泯無續蹤舟沉誰溯流至
人與物化曲士局時謀疑冰晒夏蟲將隨汗漫遊蜿蟺
旣沿澗崎嶇復經丘振袂陟危巘解纓濯澄洲石滑時
藉蘭巖蹇或蹇繆文芝榮華巔秀穎蔽平疇綠葉藂成
帶漱泉戛如璆霏霏雲出岫淅淅飈扶輶旨酒盈瑤卮
臨風自獻疇身已塵象超心與灝氣游緬懷羽化客高
舉不可留精搖生乃勞欲淺道則修簪紱爲韞紉撫已
竟誰尤

十二夜月與張子同玩感述

高旻蕩浮翳仲冬淑氣清良夜何未央憩坐臨前楹舒
景揚雲端皓魄委廣庭灝英鮮瑤席華彩鑒雕櫺稍稍
風露重微微河漢明眷茲泰宇寬展席諧芳朋撫景遺
俗迫即事寡氛嬰豈惟祛煩積亦以湛心靈戒盈君子
德和光達士情葆曜貞有孚養晦善自名

普光寺睡起

羣動各有營蹙蹙不得息嗟哉尺蠖徒煩蹇牽物役豈
謂塵中姿還寄雲外跡古刹絕浮氛法堂鮮來客首夏
澹新涼偃卧不知夕覺來盼高峰近遠各異色草搖席
下芳筠散尊中碧鳥語無俗音泉漱皆冽沚仰愜幽

御選明詩卷三
賞去矣從所適

登金山口絕巔

地紀控西界靈山亘北甸足弱步屢憩崖峭石猶踐枝
樛迺能援葛脆不可挽當其意象開豈復慮高蹇瞻峰
皆剝施陟礧數迴緬稍覺天地寬即看雲煙變石竇芝
自榮林罅雪尚泣興闊無近尋登高有遠見周圻矗五
雲易水通一線微茫燕趙區歷歷皆可辨長嘯發靈籟
倦坐席苔蘚氛垢苟不嬰沉慮斯可遣

異典

南郊工就冬至前四日上親勤玉輅習郊禮於壇
上威儀卒度周折咸中小臣從觀其美作異典

芝壇斂浮景休氣郁昭清晨旭流翠葆泰風颺華旌飛
龍麗重霄蕤綏在天庭式禮紆皇步篤恭軫聖情几几
碱承舄亭亭雲耀絃秉離臨日鑒乘乾健天行升崇儼
帝對納陛惕陵兢周折並圓方興俛以屏營萬象羅帟
帔廣樂敷咸莖度以哲罔忒文用道自弘卒事秩無訾
百辟具維刑亶亶不顯德千載揚徽稱

章丘縣校士六月十七夜月有作因示諸屬

日入羣動息予亦遂休茲稍喜喧濁屏徒步臨前墀仰
見明月出忽與心賞期湛曠神俱王虛明意自宜况逢
時雨霽宿潤含華滋品物各懷榮因得靜中窺始悟玄
寂理寧爲躁競知亦有盈尊酒屢進不一持非此莫與

御選明言 卷三
同真賞豈因之

游大明湖晚至北極廟登覽

春城足遐觀攜手復嘉客欲極高深趣停橈理輕策林
木飛鳥還蒼茫煙景夕返照射巖丹遙空帶水碧山色
晦彌明人聲喧更寂燈火起閭閻漁樵散原澤當歌浩
思盈對酒沉憂釋不知驩娛滯天表生皓魄

游白鹿洞

素嬰丘壑情況秉英賢想寤寐懸宿心遊盤得茲賞重
陰始晦蒙杲杲旋開朗攬勝據巉巖探奇歷榛莽境間
百慮空意愜二儀廣野色淨巾衣秋容成物象菊含露
下英泉作山中響柔葉稍朝零剛條非夏長景光易流

徙今古同俛仰躊躇悵回軫何時還獨往

侯民部靜溪招遊甘棠湖陪憲使管復齋諸公
積雨夏陰生瀾漫湖水遍悔爲一室拘幸奉方舟宴遠
嶼微出江雜芳正盈旬沿流始泝洄逗浦更游行樹色
逐撓迴波容隨望變放情魚鳥閒景旻不知晏一杯已
可歡况以偶時彥

洪方洲養疾山中惠訪草堂因而留館

裊裊桂樹枝涼風日將變生色難久留華光苦流轉夫
君如不來何以慰偃蹇今夕良何夕悠然適我願片雲
本在山出岫亦遊行吾園雖蕪沒物意皆疎遠以茲城
郭深豈必山林善開軒散煩促憑檻息步踐新甍起草

御選明詩 卷五
頭白月浮池面蕭閒秋正初徙倚夜方半君自所好殊
疵吝何足眷

李元陽

冬夜

漫漫冬夜長熒熒孤燭光山人自無寐况棲修竹房修
竹夜淅瀝蕭灑吟寒蟬朗月照戶庭鳴泉歸故塘別葉
棄寒風餘芳委嚴霜東壁正中昏振衣起徬徨徬徨豈
有他望道吁升堂悠悠歲云暮遐哉猶面牆寸陰與彈
指久近不可量千古在須臾安得不悲傷

馮恩

齋居雜述

蟋蟀已在堂涼風來颼颼田作穫且盈歲晚役車休置
酒會四鄰滿坐半白頭今我不爲樂日月如置郵昔與
顛沛遭蛾眉苦多仇歸來幸此身何惜百觥酬人生貴
知足相勗戒多求菑菑澤之陂桂樹山之幽五畝宅其
間可以常優游

登楞伽寺閣

夙心寄山水苦爲六情鑿乘暇恣冥搜攜侶凌修閣遠
水迴羣鷗寥天度一鶴雲梵落秋林霜鐘流夜壑岑寂
靈異栖泐泐隱淪託煙月空人襟藏腑自疏瀹天游豈
在遐境超即寥廓

羅洪先